



Шорно эл, порымук да гим берр!

23-шо (3255) №,
2016 ий 4 июнь,
шуматкече.

ЯМДЕ ЛИЙ

1933 ий 1 февраль годсек лектеш.



1 июнь – Йоча-влакым аралыме тўнямбал кече

Изи мўр пеледыш улына!



Йошкар-Оласе

Национальный президент школ-интернатын кудывечеже 1 июньшто муро да йоча йўк дене темын. Мотор Кенез (Марий Элын сулло артисткаже Эльвира Лисицына) пеленже пеледыш-влакым, кечым, шокшым конден. Марий Элысе тўрлў школла гыч толшо ўдыр-рвезе-влак сылне марий тувырышт дене лывыла койыныт! Пайрем дене Кугыжаныш Думын депутатше Л.Н.Яковлева саламлен:

– Кажне йоча мыланна лишыл да шерге. Нуным ме пайрем кечын гына огыл, а эреак аралышаш улына, – манын тудо.

Онбыжа Э.В.Александров, Кугыжаныш погын вуйлатышын алмаштышыже А.Н.Иванов, тўвыра, печать да калык-влак паша шотышто министрын алмаштышыже Г.С.Ширяева, образований да науко министрын алмаштышыже Т.М.Гусакова да молат сугыным ойленит.

Вара – муро, куштымаш, модыш! Кажне йоча, пайремын шокшыжым шўмешыже налын, мўнгыжў нангаен.

Л.СЕМЕНОВА.

*«Изи мўр пеледыш»
пайремым ямдыленит:
Марий тўвыра рўдер,
Национальный прези-
дент школ-интернат,
«Саскавий» марий
ўдыраманш ушем.*



Пайремыште
Марий Турек район Арбор
школын тунемшыже, юнкорна
Лиана Семеновалан «Ямде лий»
газетнан Антонов Ивук лўмеш преми-
жым кучыктышна. Дипломым да план-
шетым Лариса Николаевна Яковлева
пуыш. Пўлекым налаш оксам «Ший
памаш» сылнымут фонд ойырен.
Вуйлатышыже прозаик Василий
Красновлан пеш кугу таум ойлена!



Уверлан уло вер

Марий Эл Республикысе йоча да самырык-влаклан театр-рүдерын эртарыме «Театр глазами детей» сүрет конкурсышто 163 паша аклалтын. Сенгыше-влакым 1 июньышто саламленыт. Сүрет-влак выставкым театр-рүдерыште идалык мучко ончаш лиш. Выставке театр-рүдерын 25 ияш лүмгечыжлан да Йоча-влакым аралыме тўнямбал кечылан пӧлеклалтын.

9 июнь – Йолташ-влакын тўнямбал кечышт



«Йолташ азапеш ок кодо, утыжым ок ойло, Ёшанле йолташ теже могай лийшаш», – «Тимка и Димка» мультфильмыште йолташ нерген тыгай муру йонга. Арман Иванов ден Данил Антропов (снимкыште) нерген лач тыге ойлаш лиш. Рвезе-влак Шернур район Лажъял школышто 2-шо классым тунем пытареныт. Ик парт коклаште озгыт шинче гынат, эре пырля улыт, «Шонанпыл» школ ансамбльыш коштыт. Йошкар-Олашке «Изи мӧр пеледыш» пайремышкат пырля толын. «Коктын тўрлӧ ялыште илена гынат, кеҗежым вашиледаш жапым эре муына», – ёшандарен ойлат рвезе-влак.

Л.НИКОЛАЕВА.

Тутло сийым кўэштыт



Посёлкысо «Хлебокомбинат» ООО-што паваем Тамара Васильевна 30 ий наре пашам ышта. Тушто тўрлӧ пряникым, бубликым, кексым кўэштыт, киндым пыштат. Пекарь професий нерген пален налаш манын, комбинатыш экскурсий дене миенна. Паша неле улмаш: кечыгут йолымбалне шогыман. Киндым пыштымаште ныл смене тырша. Тутло сийыштым калык йӧратен налаш.

Владик СУВОРОВ, 2-шо «В» класс.
1-ше номеран Морко школ.

Чўкшӧ курык кўкшӧ гынат, куржын кўзат



28 майыште Марий Элын эн кўкшака верыштыже, Морко районысо Чўкшӧ курыкышто, спорт пайрем эртыш. 120 наре участник 2500 метрым куржын кўзыш. Нунын коклаште Данил Григорьев (пурла снимкыште) иктанашыже-влак коклаште 1-ше верыш лекте.



Эн изи участник 4 ияш Коля Михайлов лийын. Тудлан кумыландыше призым кучык-тышт.

Данил Нурўмбал школышто тунемеш. 5-ше классым «4»-ан ден «5»-ан отметке дене мучашлен. Тудо «Чўкшӧ курыкыш кўзымаш» танасымашыш икымше гына толын. А тыгай танасымаш районышто тений кумшо гана эртен.

А.ЭМАНОВА.

Историйым шергалына

Икымше тўнямбал сарыште «Брусиловский прорыв» эн кугу операцилан шотлалтеш. Алексей Брусиловын вуйлатыме Кечывалвел-Касвел фронт 1916 ий 4 июньышто Австро-Венгрийын да Германиянын армийыштым кырен шалатен. Моло кредалмаш вершӧр лўмым налыныт гын, тиде операцийлан главнокомандующийын лўмжым пуымо.



Афган сар нерген

Тиде изи ўдырлан, Алина Иванова-лан (снимкыште), курчак да пушкыдо модыш дене веле модман, шонет. Уке вет! Волжский район Сотнур школышто 5-ше классым чыла «5»-лан тунем пытарыше Алина Россиясе конкурсыш ушнен. Ешартыш шинчымашым пуышо туныктышо Анатолий Александрович Сапаевын вуйлатымыж почеш, Алина Вова чўчўжын афган сар корныжым шергалын. Пашам Оренбург олаште эртаралтше «Открываю страницы афганской войны» конкурсыш колтеныт. Лектыш куандарыше: Алина кумшо верыш лектын. Изи ўдырлан шымлымаш пашаштыже ончыкыжымат сенымашке шуаш тыланена.



Л.ГРИГОРЬЕВА.



Поход келшен

Татарстан кундем Балтаси районсы Улисъял школыш да йочасадыш коштшо ўдыр-рвезе-влак походыш миеныт. Куржтал модын нойымок, кенеж канышым кузе эртараш тўналмышт нерген кутыренит. Тулеш шолтым колаш шўрым кочкыныт, шудо чайым йўныт. Вара, каныме верыштым почешышт эрыктен, ялыш тарваненыт. Толмышт годым курык почеш писын воленыт гын, мўнгў кайышыла кугу курыкым кўзашышт логалын.

Валерия ВАСИЛЬЕВА,
МарГУ-н студенткыже.

Йошкар-Олам йўратем

Рўдолашке кум ияшем годым ачам икымше гана намиен. Ме каныме паркыште лийынна, Изи Какшан энерыште йўштылынна, пуш дене коштынна. Кызыт Йошкар-Ола вашталтын. Кенеж канышыште адакат Йошкар-Олашке унала чымалтам.

Максим ГОРИНОВ,
Куженер, Ёштымбал.

10 июньшто 145 ияш пайремжым палемда. 2007 ий гыч школ у полатыш куснен. Тачысе кечылан кандаш ял гыч 236 йоча тунемеш. Марий, руш, татар, узбек калык-влакын шочшышт ик еш семын келшен илат. Чыланат марий йылмым шочмо йылме семын тунемыт. Нунылан 28 туныктышо келге шинчымашым пуа. 1986 ий гыч ты коллективым Сергей Андропович Григорьев вуйлата.

Школ калык йўлам да тўвырам аралыме шотышто чот тырша. Тўрлў пайрем, конкурс, танасымаш-влак эртаралтыт, кру-



Лўмгечет дене, Унчо школ!

Морко район Унчо школым лўмгечыж дене уло кумылын саламлена! Тек ончыкыжымат кугу полат йоча йўк дене шергылтеш. Марий кумылан улмыда чылалан пример лиеш.

жок-влак пашам ыштат. Йоча-влак шочмо школыштым чапландарат. Виктория Оразаева, Алина Павлова, Анна Митрофанова, Виктория Абрамова, Лада Архипова марий йылме, литератур, ИКН предметла дене олимпиадылаште республикыште ий еда сеныше-влак радамыште улыт. Анастасия Сидорова, Анастасия Дмитриева, Дарья Иванова да молат «Ямде лий» газет дене кылым кучат. «Ямде лий» газет редакций.

Илаш туныкта

А.С.Пушкин – тале руш поэт да писатель. Тудо шуко жап коваж дене илен. Коважак Арина Родионовнам кычал муын. Арина Родионовна изи Александрлан ятыр йомакым каласкален, сылнымутышко корным почын. Мый А.С.Пушкинын возымыжым моткоч йўратем. «Барышня-крестьянка» произведенийжак мом шога! А «Я вас любил...» почеламутшо...

Поэт

«Няне» почеламутшо гоч Арина Родионовналан таум каласен. Тыге шке шижмашыжым ончыктен.

Валентина ПОТЕХИНА.

Ангелина ВАСИЛЬЕВА.

А.С.Пушкинын сылнымутышым лудын, ме ваш-ваш пагалаш, йўраташ, илаш тунемына.

Юлия КАТКАНОВА.

Морко, Коркатово.

Авам эн поро

Авам эн поро, эн ласка, Арам йўршеш ок вурсо. Эн тамле кочкышым шолта, Мылам гын пуйто суксо. Кокланже мыйым мокталта, Вуем гыч порын ниялта, Санден авамым йўратем, Тудлан эре полшаш тыршем.

Соня САДОВИНА.
У Торъял, Токтарсола.



Маца гай лийнем

Мый «Маша и медведь» мультфильмым уэш-пачаш ончен кертам. Пеш чот келша. Маша – онай да весела ўдыр. Тудын шуко йолташыже уло.



Мыят мультфильмысе Маша гаяк шуко йолташан лийнем. Южгунам «Эх, Маша мый лийшаш ыле» манын шоналтем.
Маша ДМИТРИЕВА.
Морко, Коркатово.

Йолташ ўдырем

Йолташ ўдырем Диана Осипова мураш, лудаш, сўретлаш, кушташ йўрата. Телевизор дене мультфильмым куанен онча, южгунам компьютер воктене шинчылтеш. Кеҗежым яра жап шуко. Уремшыште тўрлө модыш дене модына.

Волжский, Сотнур.

Сылнылык тўняшке ошкыл

«Кажне йоча талантан», – маныт калыкшыште. Ксения Созонова ден Катя Рыбакова нерген ойырен каласыме шуэш. Нуно 5-ше классым «нылытан» ден «визытан» отметкылан тунем пытарышт.



К. Рыбакова.

Коктынат сўретлаш йўратат. Мастарлыкштым изостудийыште шуарат. Ксения ден Катям сылнылык тўняш Лариса Юрьевна Оразаева вўда. Тудо ўдыр-влакым тўрлө конкурсышто вийыштым тергаш кумыланда да шкалан ўшанаш туныкта.

С.А.РОСЛЯКОВА,
марий йылмым туныктышо.
2-шо номеран Шернур школ.



К. Созонова.

Коктын мурена

Мыйын уло шўжарем.
Тудым чотак йўратем.
Пырля коктын модына,
А кокланже мурена.

Эрден школьшко каем,
Налам тудым пеленем.

Коктын сайын илена,
Ваш-ваш меже келшена.

Настя ЭЛЕМБАЕВА.



**У Торъял,
Токтарсола.**

Чарлак гыч Ксения

Чарлак школын тунемшыже Ксения Каписова чыла шотыштат уста. Тунеммаште, мер илышыште – эре ончылно. Шинчымашыжым тўрлө предмет дене районысо олимпиадылаште терген. Бирск олашке зональный олимпиадышке миен. Кидпашалан мастар: пеледышым, тапычкым, шалым да молым моторын пидеш. Мураш, кушташ кумылан, почеламутым сылнын лудеш. «Ямде лий» газет дене кылым куча: заметкылам возкала.



Е.Б.КАЛИКАЕВА.

Пошкырт кундем, Дўртыльё.



Кушташ йўратена

Латик ўдыр да вич рвезе 5-ше классым тунем пытарышна. Мый классын старостыжо лийынам. Класс вуйлатышына – Алина Эриковна Тобекова. Тудым пеш пагалена. Мемнан класс школышто эн кугу, садлан тўрлө мероприятийышке эре ушненна. Ўдыр-влак (снимкыште) кушташ йўратена. Ялысе клуб пашаен-влакат мемнам пайремлашке ўжит, конкурслаште таҗасена.

Диана СОКОЛОВА.
Куженер, Конганур.



5 июнь - Йырым-йыр улшо средан
тўнямбал кечыже



10-16 июньшто Шап ер воктек
чодыран самырык йолташыже-влак
чумыргат. «100 лет республике моей
– ты расцветай наш край родной»
фестивальыш школ лесничестве-влак
ушнат. Нуно чодырам аралыме нерген шинчыма-
шыштым тергаш, шымлыме пашашт дене палдараш
тўнгалыт. Экологий дене кылдалтше «Следопыт»,
«Чодырасе Робинзон» модыш-влак оҥай лийыт.

5 июнь -
Экологий
кечыже

Шўм-чонем кана

Мый пўртўсым йоратем,
Тудо мыйын илышем.
Чевер кече, лай мардеж –
Чылажат чонлан кўлеш.

Теве кайык-влак мурат,
Чонемат куандарат.
Шўшпык мур дене пырля
Илаш пешак весела.

А каваште сур турий
Коеш пешак чылдырий.
Сылне муржым мурен,
Кўшкө-кўшкө чонештен.

Ончалам мый йырымваш,
Шоналтем:

«Эх, сай илаш!»

Пўртўс мыйым шуара,
Шўм-чонемжым кандара.
Валентина КУШАКОВА.
Советский, Кодам.

коштына. Волжск ола гыч унала толшо Рома ден
Денисым пырля налына. Мый ўмаште ияш тунемынам.

Александра МЯТЛЮК.

Кенез пагыт. Пушенге-влак лышташан лийыныт.
Пеледыш-влак пеледыт. Кайык-влак пыжашым опте-
ныт. Нуно сылнын мурат. Мый кенезым чот йоратем.

Кирилл

АЛЕКСАНДРОВ.

Волжский,

Кугу

Корамас.

Шырчык еш

Ачам ден когыньнан ыштыме
омарташке шырчык еш илаш пурыш.
Эр-кас олмапушто мурен куандарыш.

Икмыняр жап гыч омарташте иге-
влак йўкланаш тўнгалыч. Ынде
ача-аван мурен шинчаш жап уке –
эр гыч кас марте шукш-копшангым
нумалман. А игышт-влак, омарта
гыч вуйыштым луктын (снимкыште),
ава-ачаштым вучат.

Дима ОГУРЦОВ.

Волжский, Сотнур.



Ялнам ужартена



Ончылий
кок тўжем пўнчым,
Степанович тений кум тўжем наре
Иванов пўнчым, кожым да
Мари Турек лыстанвўнчым шын-
чодыра озанлыкыш денна.

пушенге росотам йодын
миен. Ужар кушкыл-

влак икмыняр
ий гыч ялнам
сö р а с т а р а ш
тўнгалыт.

Катя ФОМИНА.

Марий Турек район.

Вучымо кенез

Кенез тольо. Ужар шудо
кушкеш. Важыкнер кайык-
влак «мөнгышт» каеныт. Ме

кенезым авам дене йўштылаш

Нужгол

Ик эрдене изам колым
кучаш тарваныш. Йылым
погыш, энгырвара ден
ведрам налын, ер мого-
рыш ошкыльо. Шўжарем
дене коктын, уремыште
модшыла, толмыжым
ужын шуктышна да ваш-
тарешыже куржна.
Ведраште шукыжо тыгы-
де кол-влак койыт, икты-
же – кугу нужгол. Тудым
кучен кертмыжлан изана
пеш куанен. Авана нужго-
лым жаритлен пукшыш. А
тыгыде кол-влакым бас-
сейныш кол-

Нужгол
100 ийым
ила.

Нуж-
гол вўдй-
ымалысе сани-
тарлан шот-
лалтеш.



Алёна
ВАСИЛЬЕВА.

Морко,
Вончўмбал.



«Ямде лий» газетын 1937 ий 4 августышто лекше номерешыже Шернур вел Пуланур ял рвезе Аркадий Шубинын «Тиде пӧлекым нигунамат ом мондо» лӱман кугу серышыже печатлалтын. Фотожат уло. Тыште тудо шукерте огыл «Артек» пионер лагерыште канымыже, тора вершӧрыштӧ мо онайым ужмыж нерген каласкала. СССР мучко чапланыше лагерыш каяш путӧвкым сайын тунеммыжлан, школ илышыште да мер пашаште чолга улмыжлан пуэныт.

А.Шубинын лӱмжым мый вес вереат вашлийнам. «Рвезе коммунист» газетын 1939 ий 12 апрельысе номерышыже пуртым о снимкыште вич самырык ен коеш. Тиде – Шернур кыдалаш школышто эн сайын тунемше-влак Раиса Наумова, Нина Баранова, Юлия Кропотова, Аркадий Шубин да Леонид Баранов.

Варарак палышым: А.Шубин сар жапыште армийыште лийын, тушеч пӧртылмек, Йошкар-Оласе Поволжский лесотехнический институтым (кызыт Поволжский технологический университет) тунем пытарен. Умбакаже – аспирантур, науко пашалан ямдылалтмаш. Технический науко кандидат лӱмым налаш диссертацийым аралыме деч вара умыржӧ мучко Петрозаводск (Карелия) кугыжаныш университетыште тунуктен. Ятыр жап кафедрым да лесоинженерный факультетым вуйлатен. Тудлан Карел АССР-ысе науко ден культурын заслуженный пашаенже лӱмым пуэныт. 1985 ийыште Отечественный сар орден дене наградитлалтын.

Эше 1974 ий тӱналгыштак мый А.Шубинлан псымам возенам ыле. Шкеж нерген каласкалаш, эртыме корныжым шарналташ йодым. Тудо вик вашештыш: «Пагалыме Зайниев йолташ! Вашмутым 8 февральыште возем. Вик каласем: мыйын биографийыш-

тем «выдающийся» манаш йӧршыжӧ нимат уке. Туге гынат йодышда-влаклан вашешташ тыршем.

Армийыште 1943 ий гыч 1946 ий июнь марте служитленам, эреак – Мӱндыр Эрвелне. Мемнан миномётный полкна приказ почеш 1945 ий 9 августышто Амур эзерым вончыш да Йӱдвел Китайыш (Маньчжурийыш) пурмыш. Но ме япон войска

дене вашпижмашке ышна логал. Туге гынат воинский пашам сайын шуктымемлан «За боевые заслуги» медаль дене наградитлышт...

Аспирантурым 1951-1954 ийлаште Ленинградысе лесотехнический академийыште эртенам. Тудым пытарыме годсек Петрозаводскысо университетыште пашам ыштем. Шымлымашем чодыра руымо пашам куштылемдыме, тушто машина ден механизмым пайдалын кучылтмо дене кылдалтын.

Ты олаште шуко землякем уло. Ятырже мыйын тунемме институтымак пытарен, нуно кызыт Петрозаводскысо вузлаште да шымлыме учрежденийлаште пашам ыштат. Н.Р.Гильц, мутлан, – ик научный институтын директоржо.

Аркадий Дмитриевич Шубин 1925 ий 5 февральыште шочын. Кызыт 92 ийыш тошкалын. Йошкар-Оласе ПЛТИ-ште тунеммыж годым Сталинский стипендийым налын. Аркадийын да кум отличник йолташыжын снимкышт 1948 ий 22 февральыште «Марий коммуна» газетеш лектын.

Тыгай чапле корным эртыше марий рвезе ден йӱдыр-влак нерген палаш онай. Ушанаш лиеш: кызыт школыш коштышо икшыве-влак кокла гычат ике пашашт дене чапланыше еӱ-влак лектыт. Шуаралт кушкаш, ушым пойдараш, эллан кӱлшӧ специалист лияш мемнан чыла йӧнат уло. Орканыман гына огыл.

Йошкар-Олашке кок ийлан ик гана миен савырнаш тыршем. Олан кушмыжым да моторештмыжым ужамат, чон куана. Кумда урем, бульвар, у пӧрт-влак... Шочмо институт денат кылым кучем. Кызыт гына, январыште, Москош командировкыш мийышыма,

студент годсо икмын ар йолташемым: И.Гавриловым, Ю.Венценовцевым, О.Вершининым да южо молымат – вашилым.

Те «Рвезе коммунист» газетысе тошто фотошто мый денем пырля улшо еӱ-влак нерген йодында. Леся Барановым 1942 ий сентябрьыште армийыш налыч. Сар гыч пӧртылын огыл, кушан да кунам колмыжым ом пале. Леся дене уло школна кугешна ыле. Тудын Нина акаже ПЛТИ-н экономик факультетым тунем пытар-

рен. Сайын тунеммыжлан Сталинский стипендийым налын. Пытармыш жапыште Моско областыште пашам ышта ыле. Юлия Кропотова ПЛТИ-м тунем лектын да Череповец кундемыш пашам ышташ каен. Тудым 1971 ийыште ужынам ыле. Раиса Наумова (ме тудым школышто Роза маньна ыле) школым 1942 ийыште тунем пытарыме годсек ужын омыл.

Чыла йодышланда вашештышышым чай.

Салам дене А.Шубин. 1974 ий 8 февраль».

Тиде псымам налмеке, «Парень из Поланура» изирак статьям возышым. Тудо «Молодой коммунист» газетеш савыкталте (1974 ий 9 апрель).

Гельсий ЗАЙНИЕВ.



Кидмастар

Изи пуш

Кагаз гыч ыштыме пуш – тиде йоча пагытын тамгаже да тукуым кыл. Коча-кована-влакат изишт годым газет гыч пушым



ыштеныт да йогын вуд почеш колтеныт. Вара ачай ден авай мемнам туныктеныт. Ынде ме изи йоча-влакым кагаз гыч пушым ышташ туныктена. Ушанена, тиде мастарлыкым нуно вес гана шке шочшыштан пуат.

И.СЕМЕНОВА,
воспитатель.
Медведево, У Арбан.




Горшкова да Оля Павлова – Морко район Шордур школышто тунемыт. «Самырык кидмастар» конкурслан нуно курчакым «чиктеныт». Лилия кенеж тувырым урген, Ангелина крючок дене сарафаным, а Оля пижиге дене изи упшым пидыныт.

Туныктышем

Туныктышем

лач ава гае –
Поро, ныжылге, шыма.
Тюрло йодыш-влак лекмеке,
Угыч раш умылтара.
Иж йочамат огеш шурдыл,
Кажным миен мокталта.
Ий гыч ийыш нюга-влакым
Тунемаш

кумылажда.
Захар ВАСИЛЬЕВ.
Волжский,
Потъял.



Пагалем

Мыйын шонымаште, кажне йочан йолташ йоратыме да удыр: пагалыме Лилия туныктышыжо Бурлакова, уло. Мыйын Ангелина тыгай педагогем – руш йылымы

Фаина Кабировна. Тудо у темым сайын умылтара. Поро кумылжо, йочам умылымыжо да кажныжлан полшымыжо келшат.
Мария КАПИТОНОВА.
Морко, Коркатово.

Фотовашмут



2 апрельште лекше «Ке-ке-рек-крек!» лаштыкыштына ты фотолан почеламутым возаш йодынна ыле.


Звенигово районсо Суслонгер школ гыч тунемше-влак возат:

Эх, могае сай газет,
Лудын веле мый ом керт.
Тыгат-тугат савырем,
Пешак туйткын эскерем.
Школьги кай(ы)шаш ала-мо?
Лудаш тунемшаш ала-мо?

Аня СМЕРНОВА, 6-шо класс.

Мыйже маймыл кеч улам,
«Ямде лийым» садак налам!
Лудде омак керт коден,
Изи годсек йоратем.

Никита ЕГОШИН, 6-шо класс.



Июнь пашаке уша,
мурмашым мондыкта.

Июнь толын – паша лык толын.

Мо лан тений шына пеш шуко?

Тений теле гыч вик кенежыш «торштышна». 16 апрельште лум шулен пытыш, да шокшо игече лие! Тыгай годым шына-влак чот шукемыт, тений кок арня ончыч лектыныт. Но нуным чылт пытараш ок кул, вет шына – кайык да кол-влакын кочкышышт.

Уремыш, пакчаш лекмыда годым умбакыда лумын ужалыме препаратым шыжыктыза. Тавыдам тучын шогыза, вет шына вудан верым йората. Кенеж шокшо лиймек, нуно шкешт шагалемыт.



Йодышлан вашештена

Индекс 78574.
Тираж 1300 экз. Заказ 1746.
Формат – А-4-8.
Директор-тун редактор
Л.В.СЕМЕНОВА.
E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республик-
се культур, печать да на-
циональность паша шо-
тышто министерстве, «Ям-
де лий» газет» кугыжаныш
унитарный казенный
предприятий.

Газетым Массовый коммуникаций сферште да культур наследийым аралымаште законодательством шуктен шогымым эскерыше Федеральний службыв Приволжский федеральный округсо управленийыштыже регистрироватлыме.
Номер – ПИ №ФС 18-1999,
2005 ий 10 февральште пуымо.

Печатьыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийын шонымашыш турло лийын кертыт. Серыш-влак мӱнгеш огыт колталт.



Газетым редакцийште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооруженный Вийын 70-ше идалыкше урем, 20.

Ура, кеңез толын!



Ий еда, тунемме ийым мучашлымек, ўдыр-рвезе-влак дене пырля походыш каена. Пўртўс лонгаште йоча-влакын кумылышт утларак нўлтеш. Ме модына, тўрлў-тўрлў кошангым эскерена. Воспитатель-влак пеледыш, кушкыл-шамыч нерген каласкалена. Йоча-влакым шочмо кундемым йўраташ тунуктена.

Р.КОРОТКОВА.

Волжский, Пўтъял.



Лу ойыртемым му.



Чодырам аралыза!

Х Ылы-жаш тўналше тулым ужнынат гын, йўрташ тырше.

Х Вўдым оптал, ўмбақыже рокым кышке.

Х Тулым укш, ночно вургем дене лупшо.



А.ДМИТРЕНКОН

сўретше.

Советский, Ёрша.

Увертарымаш

“Ямде лий” газет редакцийыштына 1970-1980 ийлаште лекше газет подшивке-влак аралалтыт. Нуным налнада гын, йынгыртыза.

Телефон: 8 (8362) 45-25-49.

Волжский район Кугу

Порат школ гыч Кирилл РОДИОНОВ йодеш: «Буква-влакым ушен, латкок талешкын лўмжым муза».


буква келша



Мыланем Ш буква келша. Ончалат да тиде буквам сераш йўсў гай чучеш. Мый тыге ом шоно. Рашемдем: тиде буква дене «шуматкече» мут тўналеш. А каныш кечым мый чотак вучем.

Маша ДМИТРИЕВА.

Морко, Коркатово.



Сонарзе маска деке кудо корно дене кая?

Июнь кече пўрткайыкын нерже дечат кўчык.

Латкок талешке

А	К	П	Ч	У	М	О	Ш	-
С	П	О	Л	Ы	Б	Н	О	П
Р	А	Л	А	И	Д	Д	А	Ш
А	О	Т	Т	Н	Е	М	Е	Р
Г	Н	Ы	К	А	М	А	Б	Д
Р	А	Ш	П	А	А	М	-	Е
И	Р	А	К	Ш	Й	И	Ч	Й
А	К	Н	Ч	О	Т	К	А	Р
Р	П	А	Т	Ы	Р	У	К	О